



**SYARAT KELULUSAN PERMOHONAN PENYEDIA
PROGRAM PEMBANGUNAN BERTERUSAN (CDP)
PENGURUS TENAGA ELEKTRIK**

Unit Kecekapan dan Pemuliharaan Tenaga

Jabatan Operasi Industri

Suruhanjaya Tenaga

No 12, Jalan Tun Hussein,
Presint 2, 62100, Putrajaya

Tel: 03 – 8870 8575

Emel: cdp@st.gov.my

1.0 PENGENALAN

1.1 Panduan ini adalah syarat-syarat bagi Program Pembangunan Berterusan (CDP) bagi Pengurus Tenaga Elektrik yang berdaftar bagi tujuan pengiktirafan oleh Suruhanjaya Tenaga.

2.0 JENIS PROGRAM

2.1 Program-program yang dipertimbangkan sebagai CDP adalah seperti berikut:

- a. Bengkel;
- b. Kursus atau latihan;
- c. Persidangan atau seminar;
- d. Sesi pembentangan kertas kerja berkenaan teknologi, pengurusan dan hasil kajian.
- e. Pembelajaran atas talian

2.2 Program yang layak dijalankan sebagai CDP mesti mendapat pertimbangan dan kelulusan Suruhanjaya Tenaga terlebih dahulu.

3.0 TEMPOH MASA PROGRAM

3.1 Tempoh masa program CDP ialah sekurang-kurang selama empat (4) jam (termasuk tempoh rehat / makan dan minum) bagi memperoleh dua (2) kredit atau berdasarkan kelulusan Suruhanjaya Tenaga.

4.0 PERMOHONAN DAN PENILAIAN

4.1 Permohonan hendaklah dikemukakan dengan menggunakan borang permohonan yang disediakan oleh Suruhanjaya Tenaga.

4.2 Penilaian untuk program CDP ialah berdasarkan permohonan yang dikemukakan oleh Suruhanjaya Tenaga untuk menentukan sama ada ia berkaitan dengan topik-topik pengurusan tenaga dengan cekap.

5.0 Syarat tambahan bagi melakukan pembelajaran atas talian adalah seperti berikut:

a. Pembelajaran Sendiri e-Learning

- Memberi akses kepada ST untuk memerhati atau mengaudit e-Learning bagi setiap sesi atau modul;
- Kredit CDP diberikan berdasarkan jenis modul, kesukaran dan masa yang di ambil untuk peserta menghabiskan modul;
- Mempunyai aplikasi untuk memantau dan memastikan peserta menghabiskan modul sebelum mengeluarkan sijil;
- Mengeluarkan sijil unik bagi setiap modul kepada peserta;
- Menghantar rumusan laporan kepada ST untuk semakan dan rekod selepas latihan tamat.
- Kelulusan CDP yang diberikan boleh diubah oleh ST dari semasa ke semasa berdasarkan kes. Sebagai contoh, peserta menghabiskan modul kurang daripada modul yang dipohon oleh pusat latihan.

b. Kelas Atas Talian

- Memaklumkan kepada ST sekurang-nya seminggu sebelum tarikh pembelajaran atas talian bagi setiap sesi;
- Memberi akses kepada ST untuk memerhati atau mengaudit pembelajaran atas talian bagi setiap sesi;
- Bilangan waktu latihan sehari adalah tidak melebihi 8 jam dan setiap dua jam peserta akan layak mendapat 1 kredit. Oleh itu, CDP maksimum bagi pembelajaran atas talian adalah sebanyak 4 kredit;
- Peserta haruslah menghidupkan kamera sebagai pengesahan kehadiran sewaktu kelas berlangsung atau mempunyai aplikasi untuk memantau kehadiran atas talian;
- Bilangan maksimum kelas adalah seramai 15 orang atau mengikut keupayaan aplikasi untuk menunjukkan kamera semua peserta secara serentak;
- Mengeluarkan sijil unik bagi setiap modul kepada peserta;
- Menghantar rumusan laporan kepada ST untuk semakan dan rekod selepas latihan tamat.
- Kelulusan CDP yang diberikan boleh diubah oleh ST dari semasa ke

semasa berdasarkan kes. Sebagai contoh jumlah jam peserta hadir kelas atas talian adalah kurang daripada jumlah jam yang dipohon oleh pusat latihan.

6.0 TEMPOH SAH PENGIKTIRAFAN

6.1 Permohonan yang diluluskan akan dimaklumkan oleh Suruhanjaya Tenaga secara bertulis bersama syarat-syarat yang perlu di patuhi dan tempoh sah pengiktirafan ialah selama satu (1) tahun dan rujukan kelulusan boleh digunakan disepanjang tempoh berkenaan dengan syarat kandungan dan tenaga pengajar yang terlibat adalah sama.

7.0 MAKLUMAT PESERTA

7.1 Maklumat senarai peserta yang telah hadir hendaklah dikemukakan kepada Suruhanjaya Tenaga dalam masa satu (1) minggu selepas setiap sesi program selesai dijalankan.

8.0 PENGESAHAN KEHADIRAN ATAU PENGLIBATAN BAGI PENGURUS TENAGA ELEKTRIK BERDAFTAR

8.1 Penyedia program dikehendaki mengesahkan peserta bagi setiap aktiviti pengisian yang terdapat di dalam program berkenaan dalam bentuk sijil penyertaan atau apa-apa pengesahan secara bertulis daripada penyedia program. Bagi pengajian atas talian, penyedia program wajib menyediakan sijil unik kepada setiap peserta

9.0 SYARAT-SYARAT PENGIKTIRAFAN

9.1 Pengiktirafan diberikan kepada syarikat/ institusi tidak boleh dipindah milik dan tidak dibenarkan melantik atau dijalankan sebahagian atau keseluruhan program tersebut oleh mana-mana orang perseorangan atau syarikat/institusi bagi pihak pemegang surat pengiktirafan.

9.2 Suruhanjaya Tenaga berhak membuat keputusan muktamad tentang pengiktirafan yang telah diberikan sekiranya terdapat ketidakpatuhan terhadap syarat-syarat pengiktirafan yang telah diberikan setelah berpuashati dengan hasil siasatan yang dijalankan dan penjelasan daripada penyedia program.

- 9.3 Suruhanjaya Tenaga berhak mengkaji semula, mengenakan, meminda, menambah atau membatalkan mana-mana syarat dan akan memberitahu dari semasa ke semasa.
- 9.4 Sijil penyertaan yang dikeluarkan oleh penyedia program bukan menjadi pra -syarat wajib untuk perkara –perkara berikut:
- a. Permohonan untuk mendaftar sebagai pengurus tenaga elektrik mengikut Peraturan-Peraturan Pengurusan Tenaga Elektrik Dengan Cekap 2008; atau
 - b. Sebarang permohonan untuk perakuan-perakuan kekompetenan yang dikeluarkan oleh Suruhanjaya Tenaga.

10.0 PEMANTAUAN PENGENDALIAN PROGRAM

- 10.1 Suruhanjaya Tenaga berhak untuk menjalankan pemantauan aktiviti yang dijalankan bagi setiap program yang dilaksanakan untuk memastikan ia dijalankan berdasarkan syarat-syarat pengiktirafan yang telah ditetapkan.
- 10.2 Pemantauan program akan dijalankan pada bila-bila masa oleh Suruhanjaya Tenaga tanpa pemberitahuan lebih awal kepada pengendali program berdasarkan jadual program yang telah dihantar kepada Suruhanjaya Tenaga sebelum ia dijalankan.

11.0 PENGGUNAAN NAMA DAN LOGO SURUHANJAYA TENAGA

- 11.1 Penggunaan logo Suruhanjaya Tenaga untuk tujuan promosi perlu mendapat kelulusan bertulis daripada Suruhanjaya Tenaga terlebih dahulu dan perlu dikemukakan kepada Unit Komunikasi Korporat selepas mendapat pengiktirafan CDP.